

سيجعل لهم الرحمن ودا | " أعظم ود من أعظم حبيب " | #خطبة_جمعة | د . حازم شومان

حازم شومان

اللهم انا نعوذ بك من شرور انفسنا ومن سيئات اعمالنا انه من يهده الله فلا مضل له. ومن يضلل فلن تجد له هاديا مرشدا. يا ايها الذين امنوا اتقوا الله حق تقاته - 00:00:00

ولا تموتن الا وانتم مسلمون. يا ايها الناس اتقوا ربكم الذي خلقكم من نفس واحدة وخلق منها زوجها وبث منهما رجالا كثيرا ونساء. واتقوا الله الذي تساءلون والارحام ان الله كان عليكم رقيبا. يا ايها الذين امنوا اتقوا الله. اتقوا الله وقلوا - 00:00:20
قولا سديدا. يصلح لكم اعمالكم ويغفر لكم ذنوبكم. ومن يطع الله ورسوله له فقد فاز فوزا عظيما. اللهم صل على عبدك ونبيك محمد. اللهم صل وسلم وزد وبارك على الحبيب محمد. عدد خلقك ورضى - 00:00:50

نفسك وزنة عرشك ومداد كلماتك. اللهم اني اسألك يا رب العالمين ان تنزل من بركاتك ورحماتك على اهل هذه البلدة. اللهم بارك لهم في ايمانهم. اللهم بارك لهم في ارزاقهم. اللهم بارك لهم في صدق توكلهم عليك. اللهم يا ربنا انزل من - 00:01:10
بركاتك ورحماتك عليهم. اللهم ارحم موتاهم وادي الديون عن مدينهم. وفرج كرب مكروبهم. وزد شاكرهم يا رب العالمين. اما بعد اخواني واحبابي في الله سيجعل لهم الرحمن ودا. الله اكبر! كلمة واحنا بنقرأها في نهاية سورة - 00:01:30
ممكّن تكون بتعدي على ناس كثير منّا سيجعل لهم الرحمن ودا. ولكن الكلمة دي اعظم وعد. من اعظم ملك في الوجود كله. الكلمة دي وعد من الله لك. وعد من الله لو انت طبقت النص الاولاني من الاية. ان الذين امنوا وعملوا الصالحات - 00:01:50

اللي هيقبل على الله. اللي مش هيدي ضهره لربنا. اللي يقيم علاقة مع الودود ربنا هيعمل له ايه؟ سيجعل لهم الرحمن ودا يعني ايه ود؟ ايه الكلمة اللي من حرفين ديت؟ اللي ربنا بيوعدنا بها. الكلمة اللي ممكن تغيرنا وتغير لنا حياتنا. الكلمة اللي لو ربنا - 00:02:10
فعلا اعطاك هذا الوعد وسيجعل لهم الرحمن ودا مش هيبقى في حياتك اي هم او غم او امراض نفسية. الكلمة دي لو ربنا اداها طوب الارض هيجبك. الدنيا كلها هتجبك. الكلمة دي لو ربنا اداها لك هتعرف يعني ايه؟ ان ربنا هو نعمة - 00:02:30
الصاحب في الحياة هيبقى يقول لك معرفة الناس كنوز لا لا لا لا معرفة الله هي الكنوز. الكلمة دي لو فهمناها هتفهم ان اعظم مقصد في الحياة ان يصحبك الله في الحياة. ان ربنا يصاحبك في هذه الدنيا وفي الآخرة. سيجعل لهم الرحمن ودا. يعني ايه - 00:02:50
يعني ايه الوعد ده يعني ايه؟ ربنا بيوعدك بايه؟ لو انت اقبلت عليه لو انت غيرت معاملتك معه لو انت اقمّت معه بيوعدك بايه؟

سيجعل لهم الرحمن ودا. ربنا بيوعدك باسم الله الودود. ان هيبقى في علاقة بينك وبين - 00:03:10
الودود يعني ايه الودود؟ يعني ايه ود؟ واحد. الودود يعني الحبيب. كما قال الامام البخاري رحمه الله. الودود يعني الحبيب يعني ايه الحبيب؟ يعني لو آ واحد ملياردير حبك هيعمل لك ايه؟ لو ملك من الملوك حبك هيعمل لك ايه؟ شف ربنا لما حبك بقى - 00:03:30
ربنا لو احبك هيعمل لك ايه؟ هيديك جنة. يعني ايه جنة؟ يعني دلوقتي لو واحد ملياردير جه وقام بني لك قصر وجاب لك عربية وفتح لك وقال لك دول بتوعك هدية مني لك. هو في حد بيعمل لحد كده؟ ربنا بقى مش اداك فيلا ولا اداك شقة ولا اداك عربية. ده اداك جنة عرضها السماوات والارض - 00:03:50

نصيبك منها ممكن يبقى قد خمس ست مجرات. من مجرات لانها عرضها السماوات والارض. فانت متخيل نصيبك انت لوحدهك منها ممكن يبقى قد ايه؟ الودود لو لو احبك الله شف الحديس الخطير ده اللي يشوقك لحب ربنا سبحانه وتعالى. ولا يزال عبيد يتقرب -

الي بالنوافل شف الكلمة دي ولا يزال عندي ايه يتقرب الي. مشغول بي. مشغول انه يوصل لي. مشغول انه يرضيني ولا يزال عبدي يتقرب الي بالايه؟ بالنوافل. صلاة. صيام اتنين وخميس. قيام ليل. آآ تكبيرة احرام. سنن رواتب - [00:04:30](#)

يفتح المصحف يقرأ فيه كل يوم حضور دروس ايمانية حتى احبه من كتر ما قرب مني. من كتر ما تودد الي يوم ورا يوم من كتر ما اقبل علي في الاخر الجائزة حتى احبه. فاذا احبته امسك قلبك بقى. ماذا لو احبك الله - [00:04:50](#)

كنت سمعه الذي يسمع به وبصره الذي يبصر به. ربنا يديك البصيرة في الحياة. ويده التي يبطش بها تواجه الحياة بقوة الله ورجله التي يمشي بها. تبقى مسدد الخطى في الحياة. يبقى خطواتك في الاتجاه السليم. ولسانك - [00:05:10](#)

الذي يتكلم به تبقى انسان موفق راشد وقلبه الذي يعقل به تتملى باليقين والحكمة والايمان سكينه ولنن سألني لاعطين تبقى مستجاب الدعاء. ولنن استعاذني لاعيذه. تبقى محفوظ. فيه حجاب رباني لك. فيه حرز من الله سبحانه وتعالى. ده كل ده لو ربنا

حك. شف بقى لما شاب بيحب بنت يقوم يعمل ايه؟ تلاقيه - [00:05:30](#)

كاتب يافطة كده في الشارع باحب فلانة. ايه يا ابني انت اتجننت يا ابني! يقول لك ايه انا باحبها ، او يقف في الشارع يا عم انت فيه ايه ؟ يقول لك اللي جوايا - [00:06:00](#)

المثل الاعلى لو ربنا حب عبد ان الله اذا احب عبدا نادى جبريل متخيل انت ممكن تبقى انت دلوقتي قاعد في المسجد وربنا من فوق سبع سماوات بينادي جبريل وبيقول له انا بحب فلان. ايه ده! هو ربنا لما بيحب ممكن يغير الدنيا كلها عشانك نادى جبريل -

[00:06:10](#)

يا جبريل اني احب فلان. سيدنا جبريل يتعلم من ربنا ان آآ يتعلم من ربنا في نادي جبريل في اهل السماوات. زي فرينا عمل مع جبريل. جبريل يعمل مع الكون كله. جبريل يحبك لدرجة انه عايز الدنيا كلها تحبك. في نادي جبريل في اهل السماء - [00:06:30](#)

ان الله يحب فلان فيحبه اهل السماوات. ثم مش بس كده. مش كل اللي فوق مقلوب عشانك ثم يوضع له القبول في الارض يبقى طوب الارض بيحبك ده كل ده لو ربنا حبك سانية واحدة بقى. الكلام ده جميل وحب ربنا عزيز بس انا قاعد بس يا عم الشيخ. يا عم

انا عايز اكل واشرب - [00:06:50](#)

يا عم انا عندي مشاكل في حياتي. انت بتكلمني في الحب والافاق العالية. وربنا لو حبني انا عندي مرض ونفسي ربنا يشفيني. انا جعان يا هو عايز ياكل. انا يا عم عندي مشاكل. انا انا مش هنا. انا لسة. لسة ورا شوية عندي مشاكل في دنيتي. خد بالك. ربنا -

[00:07:10](#)

خلق الانسان ضعيف جدا جدا. الانسان محتاج كل حاجة. ولان الانسان احتياجاته كتير. فرينا ادى له اسماء حسنى كتير. لانك محتاج تاكل وتشرب ربنا سمى نفسه الرزاق ولانك انت محتاج في مخاوف واطار وتهديدات محتاج حفز ربنا سموه نفسه الحفيظ ولانك

محتاج سند - [00:07:30](#)

ومحتاج زهر. ربنا سمى نفسه العزيز. ولان احنا محتاجين تربية وتهذيب واصلاح. ربنا سمى نفسه الرب. ولكن فيه حاجة تانية انت محتاجها. ما تقدرش تعيش من غيرها. مش الاطفال بس اللي محتاجينها. ده علماء النفس بيقلوا كل ما الانسان بيكبر بيحتاج حب

وحنان اكثر. تلاقى واحد وعنده خمسين ست - [00:07:50](#)

سنة راح يا عم انت بتعمل ايه ؟ انا محتاج حب. دا انا محتاج حنان. انا محتاج حب. الانسان محتاج. انه يحس ان فيه حب في

حياته. انه يحس ان - [00:08:10](#)

في حد بيني وبينه حب وحنان وعطف وود عشان كده ربنا سمى نفسه الودود عشان يقول لك انا هملى بالحب والعطف والحنان لو انت اقبلت علي. يبقى خد بالك سيجعل لهم الرحمن ودا. اول وعد في الاية ايه؟ هاملى لك - [00:08:20](#)

حياتك حب همالك حياتك حنان رباني. همالك حياتك وحنانا من لدنا. همالك حياتك عطش. همالك حياتك مشاعر من عند الله

سبحانه وتعالى في قلبك وقلوب الناس هتبقى عايش سيجعل لهم الرحمن ودا. اتنين المعنى الثاني - [00:08:40](#)

الودود والمعنى الثاني للودود. قال لك الودود يعني المتحبيب. يعني ايه المتحبيب؟ يعني شفت الاب مسلا يعمل مع ولاده ايه؟ او واحد بيحب واحد فيبدأ بقى يا ايه عايز يكسب وده. فيبدأ يتحبيب اليه. ربنا بعث لك الف رسالة كسب ود كل يوم. رغم ان انت -

00:09:00

مش مكسب. ده ربنا غني عن الدنيا كلها. بعث لك الف رسالة تحب وتودد كل يوم. تخيل لو طالب في الجامعة دكتور عميد الكلية كل يوم يتصل به عشرين ثلاثين مرة على الموبايل. وابعت له رسائل انا بحبك. انا اريد انك تبقى جنبي. انا يعني وما بيردش - 00:09:20
عادي خالص بل بالعكس ممكن يرد عليه الرسائل الوحشة عميد الكلية ده يعمل فيه ايه في الاخر؟ يعمل ايه في الطالب ده؟ انت كل يوم بيوصلك من ربنا الاف رسائل الويد. تعال كده. تعال نفتش عن الودود. تعال نفتش عن ود ربنا بنا. في كل حاجة في كل حاجة في حياتنا. ان ربنا - 00:09:40

طلع لك الشمس. يا عم شمس ايه بس! يا عم ما الشمس دي من غيرها! كانت الدنيا كلها تبقى جليد والدنيا كلها تتعفن ده الشمس دي اساسية للحياة. اه ماشي - 00:10:00

بس لونها جميل ليه؟ بس مشاهد الغروب والشروق اللي تخطف القلب ليه؟ بس منزل الشفق وهي طالعة وهي غايبة ليه؟ ربنا خلق لك القمر يا عم ما القمر ده من غيره. كانت البحار تغرقنا والمد والجزر يبوز الارض. ده القمر ده مهم جدا. ايوة ماشي. بس منزل القمر مع السحاب بالليل ليه - 00:10:10

بس منزل القمر في السما الصافية ليه؟ بس منزل القمر من هلال لبدر ليه؟ ربنا خلق لك عينيك يا عم هو احنا كنت عايزنا نبقى عمي! ما انا - 00:10:30

محتاج عنيا جميل. بس العين دي كان ممكن تبقى زي عين السمكة كده حته بتاع مدورة وخلص. الرموش ليه؟ والحواجب ليه؟ وسحبة العين ليه والرموش اللي فوق وتحت ليه؟ والعينين الخضرا والزرقا ليه؟ والجمال اللي فيها ليه؟ ربنا خلق لك الشفايف. ما انا محتاج اكل. امال الفاتحة - 00:10:40

تبقى مقفولة اكل ازاي؟ طب منزل الشفايف الجميل ده ليه؟ ليه؟ الازهار هو انت بتاكلها؟ ربنا خلق لك الاف الانواع من الازهار ليه؟ العطور هو وانت بتشربها ربنا خلق لك العطور وخلق لك حاجات شكلها جميل وريحتها جميلة ليه؟ ربنا كان ممكن يخلي الدنيا ابيض واسود. ربنا خلق لك عشر - 00:11:00

عشرة مليون في الارض بس ليه؟ عشرة مليون دول ليه؟ ربنا لون لك الحياة. ربنا خلق لك كل حاجة جميلة. طب يا عم بلاش كده بلاش كده الاكل. ايوة يا كت عايز يعني نيجي الارض وما ناكلشي؟ ماشي انت محتاج ايه؟ محتاج نشويات ودهون وبروتين -

00:11:20

واملاح وماية وبس. صح كان ممكن الاكل حته دهن اهي. يلا هو ده الدهون. هو ده احتياج جسمك من الدهون. وحته اه وشوية رز هو محتاج جسمك من النشويات وشوية ملح وحطهم عليهم ده احتاج. وبقي مية واي حته بروتين. ليه بقى؟ الاف الانواع من الاكل والشرب - 00:11:40

والمحمر والمسبك واللي ريحته كزا واللي لونه كزا واللي شكله كزا. ليه جملة لك؟ ليه خلق لك كل حاجة في الحياة جميلة بالودك. بيتودد اليك. بيتحبيب اليك. بيعجزبك له ويعرفك وبيحبك قد ايه - 00:12:00

يبقى ده سيجعل لهم الرحمن ودا. هتلاقي بقى رسائل التحب دي كتير قوي في حياتك. رسائل التودد دي كتير اوي في حياتك. من الله سبحانه وتعالى حتى في الشريعة الاسلامية اللي ناس كتير تنفر ويخاف وشريعة والحدود شف ربنا مع كل حاجة في الشريعة يقول لك مسلا العمرة - 00:12:20

اطلع اعمل عمرة. يا عم هسيب بلدي واسافر سماها ايه؟ عمرة. ليه؟ هعمر لك حياتك بالعطاء والكرم. والغنى والعافية لو انت جيت لي يقول للسنتات اصعب اية ممكن تبقى على صدر اي واحدة عايزة تبقى جميلة وتمشي. الناس تنظر لجمالها. يدين كل ازواجك وبناتك -

00:12:40

ونساء المؤمنين يدين عليهن من جلابيبن. ايه ؟ يدين عليهن من جلابيبن. وجمالي وامشي لابسة خيمة ليه وادفن جمالي ليه ؟ استني بس. ذلك ادنى ان يعرفن فلا يؤذين. ده مش عشان ربنا مش كسبان حاجة من حجابك. ولكن عشانك انت - [00:13:00](#) عشان الناس تعرف ان انت مؤمنة. ما حدش يتعرض لك. ما حدش يأزيك. ما حدش يصيبك بسوء. ذلك ادنى ان يعرفن فلا ولا كده ان ربنا سبحانه وتعالى المتحجب الى عبادته حتى لما بيكلفهم بحاجات في الشريعة الاسلامية بيكلفهم بحاجات في مصلحتهم هم -

[00:13:20](#)

ربنا مش مستفيد حاجة. صيام الاثنين والخميس اللي النبي عليه الصلاة والسلام علمه لنا. متاخذ فيه جايزة نوبل السنة اللي فاتت عالم ياباني اكتشف انك لما تجوع الجسم بتاعك لحد ستاشر ساعة الجسم بيبدأ ياكل الخلايا السرطانية اللي فيه لو فيه خلايا

[00:13:40](#) - سرطانية والخلايا الخلايا

الرضا اللي فيه. فالجسم بينضف نفسه. العالم الياباني اللي اكتشفها ادوا له نوبل. ونصح الناس كلها انهم يصوموا مرتين في الاسبوع. المرة توصل لستاشر ساعة عشان الجسم ينضف نفسه اول باول من اي خلية سرطانية. طب ما ده صيام الاثنين والخميس. يبقى ربنا ما يفرحوش انك تجوع وتعطس - [00:14:00](#)

يبقى ربنا مش كسبان حاجة انك انت تجاوب انت اللي كسبان. الودود المتحجب سيجعل لهم الرحمن ودا كلمة كبيرة اوي اوي اوي عشان كده من معاني الودود مش بس اللي يحب اللي بيتحب اللي لو انت عرفته قلبك هيتملى - [00:14:20](#) شفت ربنا بيتكلم على السيدة مريم ازاى ؟ اغلى من حياتي بقى. واذكر في الكتاب مريم. اذ انتبثت من اهلها انتبثت نزل قال لها اقرب ناس لها واحب ناس لها. مكانا شرقية عشان تشوف مشاهد الشروق. وتتدبر في خلق الله وتعيش مع ذكر الله. سابت الدنيا كلها. قلبها اتخطف - [00:14:40](#)

قلبها اتخطف من الدنيا ومن اهلها ومن احبابها عايزة تعيش في خلوة مع الله. ده ايه ده الودود. المحبوب بيعرفوا زي قول الله ثم دنى فتدلى. لما دنى خر ساجد نفسه يقرب من ربنا. نفسه يقرب باي طريقة - [00:15:00](#) من الله سبحانه وتعالى. عشان كده سيدنا يوسف يقول لربنا والا تصرف عني كيدهن هيصرف عني كيدن آآ في في الفاحشة والعياذ بالله الا تصرف عني كيد هعمل زنوب ومعاصي الا تصرف لا اصبو اليهم اصبو يعني - [00:15:20](#) قلبي يغيب عنك يا رب. يا رب انا مش عايز اي حاجة تشغل قلبي عنك. يا رب انا ما فيش في قلبي غيرك. ومش مشغول بحد غيرك. ما تشغلنيش بحاجة غيرك - [00:15:40](#)

شيل الفتن من طريق عشانك ما تشغلش عنك باي شيه. شف خايف على ايه ؟ خايف على حال قلبه مع الله. خايف على انشغال قلبك بالله احنا فين والنماز دي فين ؟ وربنا نزل القرآن ليه ؟ غير عشان ندرس الكلام ده. سيجعل لهم الرحمن هدا. يبجي المعنى بقى - [00:15:50](#)

ببأسر في قلبنا كلنا في معنى الود وفي معنى الودود. المعنى اللي يأسر فينا كلنا الودود اللي لا يمكن يتخلى عنك ابدًا اللي لا يمكن يسببك ابدًا. تأمين مستقبل عيالك مش في حنة الارض اللي انت سايبها لهم. او في الفدانين اللي انت سايبه لهم. تأمين مستقبل - [00:16:10](#)

مش في الشهادة اللي في ايديك. تأمين مستقبلك مش في الرصيد اللي انت بتحوشه. اعظم تأمين للمستقبل ان يبقى في علاقة بينك وبين الودود. عشان كده ان ربنا لا يمكن يتخلى عنك. الراجل اللي في الصحراء طلع له لص قال له اقتلك. قال له طب خد مالي وسبني. قال له اقتلك واخذ - [00:16:30](#)

بالك قال له طب سبني صلي ركعتين. قال له تصلي ركعتين واقتلك. نادى ربنا قال له ايه ؟ قال له يا ودود يا ودود هود يا ذا العرش المجيد يا فعال لما تريد يا مغيث اغثني. اشمعني يا ودود ؟ الودود اللي لا يمكن يتخلى عنك ساعة الزمن - [00:16:50](#) مهما كانت السنة دي فين يوم ما اتولدت كانت مصيبة. مصيبة ان انا اتولدت لأ. مصيبة انك جعان. مصيبة انك هتموت من الجوع مصيبة انك انت قاعد تصرخ وجعان ومش قادر. الله! طب والودود عمل لك ايه في اللحزة دي ؟ رزقك ثدي الام. عشان كده ربنا سمى

سدي الام - 00:17:10

في القرآن ايه في سورة البلد وهدينا النجدين. النجدين اللي هما ثديي الام. نجدين لانهم كانوا نجدة من الودود لك. الودود نجدك ما سابكش وانت لسة ضعيف وغلبان ومولود وجعان. مش ممكن هيسيبك لو انت قطعتة. مش ممكن هيسيبك لو انت اقبلت عليه.

النهاردة - 00:17:30

مش ممكن هيسيبك لو انت انشغلت به ان لا يمكن يسيبك. عشان كده الودد اللي هو الودود يعني من الودد. الودد اللي تدق به الخيمة لا يمكن تطير. لا يمكن تروح مع الرياح. الودود اللي انت طول ما انت معه لا يمكن حاجة تخلعك ابدًا. لا يمكن - 00:17:50
حاجة تضيعك ابدًا. عشان كده العلماء قالوا ايه اكثر اية فيها ترهيب في القرآن؟ اكثر اية صعبة في القرآن. اكثر اية تخوف القرآن. ففي المفسرين قالوا وقدمنا الى ما عملوا من عمل فجعلناه هباء. قالوا ده اكثر اية ترعة مفسرين تانيين قالوا لا. قالوا قول الله

سبحانه - 00:18:10

قال كلما نضجت جلودهم بدلناهم جلودا غيرها ليذوقوا العذاب. مفسرين تاني قالوا لا قالوا الاية اللي ترعب وتخلع يوم نقول لجهنم هل امتلأت وتقول هل من مزيد؟ مفسرين ربعين قالوا لا قالوا اخطر اية - 00:18:30

وفي اية في كتاب الله هي التي في سورة الانبياء. وهم منا لا يصحبون. ربنا يهدد الانسان بايه؟ مش صاحبك في الحياة. هيسيبك لوحك ساعة الزنقة. هيسيبك لوحك ساعة المرض. هيسيبك لوحك ساعة الموت. هيسيبك لوحك ساعة - 00:18:50

هيسيبك لوحك ساعة الازمات. هيسيبك لوحك ساعة الضلال. هيسيبك لوحك ساعة التهديد والخطر. اخطر تهديد في القرآن ان ربنا قال للانسان وهم منا لا يصحبون ان نهذد الانسان انه هيسيبه لوحده في الدنيا. انه مش - 00:19:10

مش هيغيته ساعة الزنقة. ولن يصحبه في هذه الساعة. فدي قضية خطيرة جدا. عشان كده فتش عن الودود بقى في الماضي بتاعك الواحد مرة جبت ورقة وقلم كده كنت في عمرة والواحد قاعد كده هادي كده جبت ورا ولد وقعدت اكتب الازمات اللي مرت بها في حياتي وربنا عمل لي ايه في كلية اسمها - 00:19:30

فلما كتبت ورقة الورقة اسودت وما فيش فيها مكان قمت جايب ورقة تانية. قعدت اكتب الورقة اسودت وما فيش ولا كان. قعدت ابص كده ايه ده! كل ده ربنا قالوا لي وانا مش واخذ بالي. كل ده لما كنت مريض في اليوم الفلاني. ولما كنت مزنونق ماديا في اليوم الفلاني. ولما كنت مديون في اليوم الفلاني. ولما كنت في الامتحان الفلاني - 00:19:50

مزنونق ورايحة رايحة وربنا عمل معي ايه. ولما كان ولما حصل ولما كان لما بصيت للورقة كل ده عملته لي يا رب كل دي زنقات انت وقفت معي فيها يا رب. عرفت يعني الودود. اللي لا يمكن الودود في كل لحزة هيديك عطاء من ودنه. انت كمان - 00:20:10

فتش عن الودود. فتش عن الودود في الماضي بتاعك. ربنا عمل كده مع النبي عليه الصلاة والسلام. في سورة الضحى بيقول له الم يجدك يتيما افتكر عملت لك ايه؟ افتكر لما كنت يتيم اتنقلت من ست بيوت وما كنتش لاقى سكن وكانت الطفولة بتاعتك طفولة

صعبة من بني سعد - 00:20:30

لو امك امك تموت ياخذك جدك. جدك يموت. ياخذك عمك افتكر. افتكر انا عملت لك ايه في الوقت ده. الم يجدك يتيما فاوى ووجدك ضالا فهدى ووجدك عائلا فاغنى. افتكر لما كان عندك تمن اولاد. ما انتاش عارف تصرف عليهم ازاي. وما انتاش عارف - 00:20:50

اغنتك ازاي؟ انت كمان افتكر. انت كمان فتش في الماضي بتاعك. الودود عمل لك ايه؟ ودك بالجواز بتاعك انت. وودك بالزرية اللي انت كنت مستنيها على شوق وعطش وملىء حياتك ونس ازاي. وودك من الشغلانة اللي غيرت حياتك. وعرفت تتجوز بعدها ازاي.

وودك - 00:21:10

الشهادة بعد ما كنت ساقط سنتين وهترفد من الكلية. ودك ونجحك وبدل ما كنت هترفد. بقيت الوقتي ماسك شهادة في ايديك بتكسب منها الالفات ازاي وودك بصحابك وودك افتكر فتش في الماضي بتاعك. الودود عمل لك ايه؟ اذا كان ودي المليارديرات الكفرة

- 00:21:30

الدنيا اداهم مليارات. امال اللي بيحبه بقى هيدي له ايه؟ امال لو انت اقبلت عليه الودود اللي لا يمكن يتخلى عنك ساعة الزنقة ابدًا

يبقى سيجعل لهم الرحمن ودا اغائة في الازمات. اغائة ساعة الازمات. المعنى اللي بعد كده - 00:21:50

اجعل لهم الرحمن ودا. ده المعنى بتاع الخاص بقى. ان الود ده حبل عطاءات مستمر لا يتوقف انتظر في كل لحظة عطاء من الودود.

يقول لك تزوجوا الودود. يقول لك فلان بيودني. يعني ايه بيودني؟ كل شوية يجيء لي. كل شوية يزورني - 00:22:10

كل شوية يجيب لي هدية. يعني ايه الودود؟ اللي ليل نهار هيديك وانت والله لو كنت في بطن جبل الودود يحصل لك عطاءات الود بتاعته. لو في ازمة لو في زنقة انتظر طب يعني ايه؟ يعني هيوديك في الدنيا. هيودك في الدنيا بعطاءات كتير. بس مش بس كده -

00:22:30

مش بس كده هيودك كمان هيودك في الجنة. عشان كده في علماء قالوا سيجعل لهم الرحمن ودا في الجنة. يعني ايه الجنة يعني ايه في الجنة؟ انا مش هكلمك بقى عن الناس اللي عبت ربنا خدت ايه؟ انا هكلمك عن الاخير على البشرية في دخول الجنة. عارف يعني

ايه الاخير - 00:22:50

اخر واحد هيدخل الجنة ما فيش حد داخل بعده. الاخير ده يعني والعياذ بالله والعياذ بالله. زنا الف مرة كان بيقول لا اله الا الله محمد رسول يقول الله ولكن سنة كتير وسرق وكان ربا وقتل ده ده اخر واحد. ده الاخير. ده الاخير على الجنة كلها. فيقعد يعدي على

الصراط - 00:23:10

مش عارف دي النار تسفعه ويتعلق بالصراط وجهنم تسفعه في الاخر عرف يعدي. اول ما يعدي يبص للنار كده ويقول لها تبارك الذي

نجاني منك. ياه! الحمد لله ان نجيت منك يا جهنم. الحمد لله ان انا عدت. ويقوم بقى رافع ايده ويقول الحمد لله - 00:23:30

الله الذي اعطاني ما لم يعطي الاولين ولا الاخرين. اولين مين يا ابني ده انت الاخير. يا ابني ده فيه مليارات عدوا قبلك هو كل اللي قدامه وقعوا وكل اللي وراه وقعوا في النار. فتمتياً له ان الوحيد اللي نجا. فيقعد يبعد عن جهنم كده ويقعد يرتاح بقى. معدي من

على الصراط - 00:23:50

مش ماسورة مية على المحيط الاطلنطي عدى من عليها. بعد رعب سنين ده بقى له سنين. ده بقى له مئات السنين على الصراط ده ممكن يكون عاش في الدنيا خمسين سنة وبقى له خمسميت سنة على الصراط بيعدي. انت متخيل حالة الراحل ده ايه؟ ما هو يوم

القيامة خمسين الف سنة - 00:24:10

الصراط لوحده ممكن يبقى كم الف سنة منهم؟ الراحل ده في حالة رهبة يقعد يرتاح كده شوية ربنا يخلق له شجرة ونبع فيه. فيقوم

يبص كده بعيد هو مش عارف حاجة. مش عارف ان فيه جنة اصلا. الراحل ده ما كانش عارف حاجة في عيشته - 00:24:30

الراحل ده الاخير على الجنة. بس مش عارف اي حاجة. فقعد يلاقي شجرة ونبح. الله يا رب! قربني من هذه الشجرة يا رب استظل

بزلها واشرب من الماية دي يا رب فربنا يقول له عبي لان اعطيتك هذا تسألني شيئا بعدها يقول له لا وعزتك - 00:24:50

اقسم بالله ما هطلب منك حاجة ثاني يا رب. اقسم بالله ما فربنا يديها له. يقعد بقى اول مرة يتوق التل ويشرب ماية الحمد لله شوية

ربنا يقوم خالق له شجرة اجمل ونابعة اجمل بعيد. يبص كده يا رب اديني يا رب الشجرة دي - 00:25:10

عبي الم اخذ عليك العهود والمواثيق؟ ده انت اقسمت بعزتي وجلالي انك مش هتطلب حاجة تانية. يقول له يا رب وعزتك اقسم الله

ما عدت هطلب منك حاجة ثاني. بس اديني دي يا رب. شجرة. امال لو شاف الجنة هيحصل له ايه؟ شجرة مش قادر. ربنا يديها له.

يقعد - 00:25:30

شوية كده وربنا يقوم خالق له شجرة تانية بقى تحفة بقى ونبع رهيب قرييين من سور الجنة. فيبص كده الله! يا رب! اديني ايه

الشجرة دي يا رب؟ ربنا يقول له يا ابن ادم، ما يوصيني منك! هو انت يا ابن ادم ما لكش كلمة! مش انت قلت اقسم بجلالي -

00:25:50

انك مش هتطلب حاجة تانية قل له والله لا اسألك شيئا بعدها. والله يا رب ما هطلب منك حاجة ثاني ربنا يديها لي. يروح تحت

الشجرة الثالثة بقى جنب سور الجنة يبدأ يسمع اصوات اهل الجنة وصراخ الفرحة وحفلات الجنة ونعيم الجنة - 00:26:11

الحن الجنة هيتهل بقى خلاص مش قادر. رب ادخلني هذه الجنة. فربنا النبي عليه الصلاة والسلام هنا قعد يضحك فالحصابة بيقولوا

له مما تضحك يا رسول الله؟ قال لهم من ضحك الله من هذا الرجل. ربنا يدحك سبحانه وتعالى يقول له يا ابن آدم - [00:26:31](#)

إذا ألم أخذ عليك الموافق ألا تطلب مني شيئاً؟ فالنبي عليه الصلاة والسلام يقول هنا كلمة حلوة قوي. يقول لك وربّه يعذره. ربنا عزّره لانه يرى ما لا صبر له عليه. ما فيش مخلوق يقدر يصبر عن اللي هو شايفه - [00:26:51](#)

فربنا يقول له طيب عايز ايه في الجنة؟ يقول له دخلني يا رب. يقول له أما ترضى أن يكون لك فيها قدر اعظم ملك من ملوك الدنيا مين اللي ملك الكرة الارضية والسبع قارات؟ فلان مسلا ايه رأيك؟ اديك كل العربيات اللي كانت - [00:27:11](#)

والقصور اللي كانت عنده. والمليارات اللي كانت عنده. واللعين اللي كان فيه. والملك اللي كان فيه. والخدم اللي كانوا عنده. تقول له اتهازأ بي وانت رب العالمين! يا رب بتهزأ بي يا رب! يقول له ومثله ومثله ومثله ومثله. اتهازأ بي يا رب - [00:27:31](#)

وعشرة امثاله ولك فيها ما اشتتهت نفسك ولذت عينك. يا رب اتهازأ بي يا رب! ادخل خد اعظم ملك من ملوك الدنيا خمسين ضعف. الراجل ده يا جماعة انا متخيل انه لو كان ينفع يموت كان مات - [00:27:51](#)

مش بالفرحة من الهم. بقى انت يا رب كنت ودود كده. انا يا رب اللي ياما عملت كل الكبائر والموبقات. تيجي امال لو كنت اطاعتك كنت اديتني ايه؟ امال لو كنت عبدتك كنت اديتني ايه؟ امال لو كنت صمت وقمت كنت اديت - [00:28:11](#)

ليه؟ يعني انا ضيعت عمري وفي الاخر بعد كل الموبقات دي تديني اعظم ما لك من ملوك الدنيا. خمسين ضعف. امال يا رب لو كنت انسان صالح يا ندمي على عمري. يا ندمي على الشهوات اللي ذهبت لزتها وبقيت حسرتها. يا ندمي اني ما عرفتش الودود في الدنيا - [00:28:31](#)

سيجعل لهم الرحمن ودا. دا داود بالخيرة على الجنة. امال ودوا بقى باللاوائل على الجنة. يبقى شكله ايه؟ يبقى شكله ايه؟ قال لك سيجعل له الرحمن وابدأ في القبر. في القبر قبر مين يا عم؟ في القبر. المفسرين قالوا في القبر. في القبر ازاى؟ ما هو ده الودود. اللي ما يسيبكش في اي زنقة. في القبر مش - [00:28:51](#)

حتى لو في سجن حتى ابن تيمية لما سجنوه لما الملك الظالم سجنه فقال والله لو واعطيتكم ملة سجنوه في القلعة في سجن القلعة. لو اعطيتكم ملة هذه القلعة ذهباً. على ان اكافنكم بما فعلتم لي - [00:29:11](#)

ان ما وفيتكم حقكم. انا لو اديتكم ملة القلعة دي ده انتم خلتوني في خلوة مع الله. انتم خلتوني عايش في جنة الذكر. ماذا يفعل ان سجنني خلوة. ده ايه ده! سجن مين اللي خلوة يا عم! ده السجن ده هم وبهدلة وقرفة. الودود مش هيسيبك - [00:29:31](#)

في اي زنقة ولا في اي ازمة حتى في القبر حتى في القبر. يعمل لي ايه؟ تلاقي واحد شكله جميل كده جاي لك. يقول لك انا عمك الصالح. وتلاقي الملايكة بتفتح - [00:29:51](#)

ابواب الجنة بتقول لك اتفرج عشان تشناق لي يوم القيامة. وارواح الصالحين ربنا يخليها تتزاور في القبور. يتزور هنا في اكفانهم كما قال النبي صلى الله عليه وسلم. الودود الودود ساعة الموت. قبل ما ملك الموت اللي شكله صعب اوي ييجي لك. ربنا يجيب لك ملايكة وجوهك - [00:30:01](#)

كأنها الشمس فتجلس منك كده. وبعد كده ملك الموت ييجي يقول يا ايتها الروح الطيبة اخرجي الى رضا من الله. بعد كده تطلع روحك في السما ملائكة السماوات تشيعها فرح بعد كده تصعد للسما السابعة. تسمع ربنا لأول مرة في حياتك. يقول صدق عبدي. فاكثبوا كتاب عبدي فعلياً - [00:30:21](#)

الودود يوم القيامة تخرج من تحت التراب. تلاقي الملايكة مستنياك وتتلقاهم الملايكة. هو انا عريس يوم فرحي واقفين مستنيين وانا لسة نازل من بيتي الملايكة واقفة مستناك تتلقاهم الملايكة هذا يومكم. دالتك يا عريس هو ده يوم قيامة ولا - [00:30:41](#)

يوم فرح والقرآن مستنيك. انا صاحبك القرآن. وحبیب الله محمد مستنيك. يسقيك بايديه من على الحوض. اللي جاي من نهر الكوثر بتاع الفردوس الاعلى ايه ده! ده يوم ايه! الودود سيجعل لهم الرحمن ودا يوم القيامة. وفي القبر وفي الجنة وحتى في النار - [00:31:01](#)

والله لا يلقي حبيبه في النار ينجيك من النار. ينجيك منها. قصة كبيرة قوي ان احنا نفهم يعني ايه؟ سيجعل لهم الرحمن ودا يعني

سيجعل لهم الرحمن انسا. حد منكم جرب كده؟ طب العيال هتكبر وهتتجوز وهتبعد عني. والبيت هيفضى علي لوحدي - [00:31:21](#)
طب انا اعمل ايه وانا كبير؟ الودود مش هيسيبك. هيملى دنيتك واخرتك بالنوس. المعنى الاخير اللي ناس كتير اعتقد ان هو المعنى
الوحيد اصلا في الاية سيملاً قلوب الناس حبا لك. سيجعل لهم الرحمن ودا اي سيملاً قلوب الناس - [00:31:41](#)

تخلي طوب الارض يحبك بس استنى طب ما ممكن شاب عايز واحدة مسلا تحبه يقعد بقى يلبس لبسيه ويعمل ايه ويجيب لها هدايا
ايه لا لا مش دي! او مال ايه! العلماء قالوا بلا اسباب وبلا سعي وبلا اكرام. تلاقى الناس - [00:32:01](#)

بتحب العالم الفلاني. يا عم هو كان عمل لهم حاجة بيحبوه ربنا. ربنا تلاقى فلان في البلد محبوب. يا عم هو كان عمل حاجة! ربنا
وواحد تاني قعد يصرف ويعمل ما حدش بيحبه. ليه؟ ربنا سبحانه وتعالى سيجعل لهم الرحمن ودا هيخلي طوب الارض يحبك.

هيملى - [00:32:21](#)

قولوا مراتك تحبك وتموت فيك يا عم هو انا عملت لك حاجة؟ ده انا مشغول مش فاضي اروح اصلا. واولادك بيحبوك. يا عم ده انا
راجل فقير اصلا على قد حالي. لا عارف اجيب لكم زي - [00:32:41](#)

الاباء بيحبوه لعيالهم ولا عارف اسيب لكم عمارة ولا اسيب لكم ارض. انتم بتحبوني كده ليه؟ وتلاقى اصحابك يحبوك وتلاقى ليه
ربنا بيحبك جعل لهم الرحمن ودا اية عظيمة. الله سبحانه وتعالى بيوعدك فيها بوعد عظمة. لو انت اقبلت على الودود سيجعل لك

رحمة - [00:32:51](#)

قولوا قولي هذا واستغفر الله لي ولكم. الحمد لله وكفى. وصلاة وسلاما على عباده الذين اصطفى. اللهم لك الحمد كله. ولك الملك كله
وبيدك الخير كله واليك يرجع الامر كله. اللهم صلي على عبدك ونبيك محمد. صلى الله عليه وسلم في الاولين والآخرين وفي كل وقت

وحين - [00:33:11](#)

اما بعد اخواني واحبابي في الله. عرفتم مشاكل حياتنا كلها سببها ايه؟ ان احنا مش عارفين ربنا. لو عرفناه نحبه. لو عرفناه ده انا
فتدلى. لما ربنا ادناه عليه الصلاة والسلام خر ساجد عايز يقرأ المتدني ده. عارف انت عطشان - [00:33:31](#)

ولقيت مية وشلال مية. عايز تقرب باي طريقة. لو قربت منه. لو قربت منه هيبقى يشغل قلبك عن كل شيه فشل في الحياة. مشكلتنا
ان احنا مش عارفين مين هو ربنا. جميع مشاكلنا في الحياة بسبب كلمة واحدة بس في القرآن. وما قدرنا الله حق قدره. مش عارفين

- [00:33:51](#)

ربنا ممكن يدينا ايه؟ وربنا ممكن يعمل لنا ايه؟ وربنا ممكن يغير حياتنا قد ايه؟ عشان كده في ثلاث كلمات في القرآن ثلاث كلمات في
القرآن المفسرين قالوا ان فيها اكثر من مية قول في تفسيرها. قالوا ان في اكثر من مية قول في تفسيرها - [00:34:11](#)

فين الثلاث ايات دول ايه؟ الثلاث كلمات دول ثلاث افعال لله. خد بالك. الثلاث كلمات دول ثلاث افعال لله. الكلمة الاولانية اذكروني ها؟
اذكركم. اذكركم دي فيها اكثر من ميت تفسير. لو ذكرتني يا عبدي هذكرك - [00:34:31](#)

كل بيت لو ذكرتني بالثناء لذكركم بالعطاء. لو ذكرتني بالدعاء لذكركم بالشفاء. هذكركم بالرزق وبالبركة وبالخير الجنة اه اذكركم دي
فيها اكثر من مية تفسير. الكلمة الثانية وان عدتم ها عدنا. يعني يا رب لو عدت - [00:34:51](#)

بتعمل ايه؟ هكسر لك هصلح لك كل اللي اتكسر. كل اللي انت كسرتك بزنوبك هصلحه لك بقدرتي كل العطاءات اللي انا كنت بديها لك.
وانت لما ازنبت وعصيتني قفلت الابواب دي عنك هفتحها لك تاني. هفتح لكم يا ابو شعب - [00:35:11](#)

مصر ويا امة الاسلام ابواب الرزق المقفلة. كل الابواب اللي انتم قفلتموها على نفسكم المعاصي وبالبنوك الربوية كلييات وبالتبرج
وبالسفور وبقنوات الكلييات كل الابواب اللي قفلتموها على نفسكم بتنحية شرع الله هفتحها لكم تاني. بس وان ايه عدتم هترجع هرجع

لك كل حاجة - [00:35:31](#)

ارجع لك سلسلة المفاتيح كلها وافتح العربية ومفتاح الشقة ومفتاح الفيلا ومفتاح الشاليه ومفتاح الشركة. كل سلسلة مفاتيح الرزق
والبركة هترجع. الكلمة الثالثة هل جزاء الاحسان الا؟ الا الاحسان. لو احسنت مع الله. لو احسنت في الصلاة. لو احسنت في الذكر -

[00:36:01](#)

لو احسنت في قرابة القرآن لو احسنت في اتباع النبي عليه الصلاة والسلام. لو احسنت في حجابك الشرعي زي امهات المؤمنين الا الاحسان. هاحسن لكم. هتعمل ايه بقى يا رب؟ احسان ربنا ده ايه؟ المفسرين لهم اكتر من ميت قول فيه. فالتلات كلمات اللي المفسرين - [00:36:21](#)

ما قدروش يحصد عليها. ما هو يعني ايه اكتر من مية قوم؟ يعني ما حدش عارف يفسرها. يعني ما حدش عارف يجيب كلمة تشملها لانها افعال الكريم الودود. اذكركم عدنا الاحسان. ما حدش عارف يعدل كل دي - [00:36:41](#)

وعود ربنا لك انت. لو تبت اليه. كل دي وعود ربنا لك انت. لو الوقت خلاص شعبان شعبان يوم التلات الجاي اهو ان شاء الله. شعبان ده النبي كان بيصومه كله او قلة قليلة عليه الصلاة والسلام. ورمضان والتراويح والاعتكاف في العشر الاواخر. وقرابة القرآن والصيام - [00:37:01](#)

يا رب صفحة جديدة معك يا رب. انت كده هتأخذ ما لا تتخيله من عطاء الله سبحانه وتعالى. لو زيتنا علاقتنا بالله الودود قيد علاقة مع الودود. قيمة علاقة مع الودود بالصيام في شعبان. قيمة علاقة مع الودود بالعبادة في رمضان. قيم علاقة مع الودود باعتكاف العصر - [00:37:21](#)

العشر الاواخر في رمضان. ولو عندك شغل ومش قادر اعتكف من بعد الفطار لحد الفجر. قيمة علاقة مع الودود اعبد. ما هو انت عايزه يدك اللي انت مريض. طب ما في مليون واحد بس مرضك اشمعنى انت؟ انت عندك مشكلة. ما في مليون واحد مديون زيك اشمعنى انت اللي يفرج كربه؟ يبقى لازم - [00:37:41](#)

ما اعامل ربنا غير الناس. عشان ربنا يعاملك غير الناس اسم الله الودود. بيعلمك انك تبقى انسان عملي. لان ربنا ما سماش نفسه الحبيب. في بعض الاديان الاخرى يقول لك الله محبة. الله محبة الله. لكن لا هنا عندنا ربنا ما سماش نفسه محبة ولا الحبيب. امال سمى نفسه الودود. الله! طب ليه - [00:38:01](#)

ده كلمة الحب حلوة اوي يا رب. لو كنت سميت نفسك الحبيب يا سلام! كان بقى حنة اسم. متهيأ لك. عشان كده ربنا لما اتكلم عن الزوجين قال وجعل بينكم - [00:38:21](#)

محبة لا امال ايه؟ مودة. عارفين سبب معظم الطلاق في البيوت ايه؟ تيجي تصالح ما بين الرجل والست وهم بيطلقوا تقول لك والله العظيم بحبه بس مش فاضية من العيال. يقول لك والله العظيم بحبها. بس ما عنديش وقت بجري على رزقهم. والنهاية طلاق. رغم ان الحب - [00:38:31](#)

ولكن الود مش موجود. هو فيه فرق بين الحب والود؟ اه طبعا. الحب ده في قلبي لك. انا باحبك ولكن ممكن مش فاضي لك. ممكن مشغول عنك انما الود اللي على طول اجيب لك هدية. اودك آآ ازورك. اتصل بك. تدخل على مراتك خليك ودود مع مراتك - [00:38:51](#)

تدخل على مراتك بهدية تقول لك ايه يا عم انت سخن ولا ايه! انت حرارتك مرتفعة ولا ايه! لا انا اتعلمت من اسم الله الودود ان انا ابقى ودود ان انا ابقى ودود مع اصحابي مع جيراني. مع زوجتي مع ولادي. خلاص قصة الحب دي قصة. يا اخواننا من اهم - [00:39:11](#)

لاسباب فشلنا ان احنا معتقدين انا بحب مراتي. والله ما كفاية. والله العظيم ممكن واحد بيحب مراته استغفر الله استغفر الله ومراته تخونه ليه؟ ما فيش ود القصة كلها في الويب. الود يعني ايه؟ الترجمة العملية للحب. الترجمة العملية للحب. انك تترجم حبك ومشاعرك في - [00:39:31](#)

شكل تصرفات عملية. في شكل اعطاء وقت واهتمام. في شكل سماع لمشاكل الطرف الاخر. في شكل هدايا. هو ده الودن. عشان كده ربنا سمى نفسه الودود. لو كان سمى نفسه الحبيب بحبك يا عبدي بس مش هديك حاجة. انما الودود هاديك واديك واديك لاني بحبك. وهل - [00:39:51](#)

جعل بينكم مودة لان البيوت ما بتسعدش بالحب. البيوت بتسعد لما الحب يترجم في شكل عملي للود. عشان كده اسم الله الودود ده

نعمة من ربنا علينا. اسم الله الودود بغير حياتك. وبيعلمك انك تبقى انسان عملي مع ربنا. لان ربنا ما قال لكش انا هاحبك. قال لك انا هاودك - [00:40:11](#)

هاديك كلام عملي عطاء. فكذاك انت لما تتعامل مع ربنا. الكلام بقى الايه ؟ استغفر الله العظيم واتوب الى الكلام الفارغ بقى. ما دام هنا ابيض يعني ايه رب مش فاهم - [00:40:31](#)

يعني ينفع يبقى هنا ابيض وهنا اسود! يعني ينفع! ما ينفعش يا ابني! يبقى ترجم مشاعرك تجاه ربنا في شكل عملي. زي ما ربنا خلى حبه لك يدريك به نعم عملية. انت كمان خليك عملي يا عبادي. انما هي اعمالكم. ما فيش بينك وبين ربنا مشاعر. اللي بينك وبين ربنا - [00:40:41](#)

ترجمة المشاعر للعمل. اعمل. صل على قد ما بتحب وصل. على قد ما بتحب صم. على قد ما بتحب اذكره. على قد ما بتحبه صل في جماعة على قد ما بتحبه البسي حجاب امهات المؤمنين. على قد ما بتحبه تب هو ده. هو ده اللي اسم الله الودود. بيعلمه لنا ان الامة دي - [00:41:01](#)

تبطل بقى مشاعر نزرية وتنتقل للترجمة الايجابية للمشاعر. والترجمة العملية للمشاعر. نسأل الله سبحانه وتعالى يا ودود يا ودود يا ذا العرش المجيد يفعل لما تريد يا مغيث اغثنا يا مغيث اغثنا اللهم اجعل لنا ودا يا رحيم - [00:41:21](#)

اللهم اجعل لنا ودا يا رحمن. اللهم احبنا. اللهم انا نسألك حبك وحب من يحبك وحب عمل يقربنا الى حبك وحب من ينفعنا حبه عندك. اللهم ارزقنا الحب فيك والبغض فيك. اللهم يا ربنا اقمنا على مرادك منا - [00:41:41](#)

اللهم يا ودود يا ودود اجعل لنا ودا يا رحمن اجعل لنا ودا في ارزاقنا اجعل لنا ودا في قلوبنا اجعل لنا ودا في قبورنا اجعل لنا ودا في الفردوس الاعلى. اجعل لنا ودا في الدنيا. اجعل لنا ودا يا رحمن. اللهم فرج كربنا - [00:42:01](#)

اللهم ادم الديون عن مديننا. اللهم اصلح احوالنا. اللهم ارحم موتانا. اللهم اغفر لنا. اللهم بلغنا رمضان واجعلنا فيه من الفائزين. اللهم بارك لنا في شعبان ورمضان. اللهم بارك لنا في شعبان ورمضان. اللهم اجعلنا من الفائزين - [00:42:21](#)

ليلة القدر. اللهم زدنا ولا تنقصنا. اللهم اكرمنا ولا تهنا. اللهم اعطنا ولا تحرمنا. اللهم اثرننا ولا تؤثر علينا اللهم اهدنا ويسر الهدى اليها. يا رب. اللهم تب علينا توبة ترضى بها عنا. تب علينا توبة ترضيك. تب علينا - [00:42:41](#)

توبة نصوحة. اللهم انا نستغفرك من كل ذنب عصيناك به. ونستغفرك من كل صلاة ضيعناها. ونستغفرك من كل ذنب تبنا اليه ثم عدنا فيه ونستغفرك من كل امر فعلناه نظنه حلال وهو عندك حرام. اللهم طهر مصر من المواقع الفاسدة. اللهم - [00:43:01](#)

طهر مصر من الزنا والخلا. اللهم طهر مصر من التبرج والسفور. اللهم طهر مصر من الرشوة والربا. اللهم طهر مصر من الخمر والمخدرات اللهم طهر مصر من كل شيء يغضبك. ومن كل شيء لا يرضيك عنا يا رب العالمين. اللهم استعملنا ولا تستبدل - [00:43:21](#)

ايه ده؟ اللهم استعملنا ولا تستبدل بنا. اللهم احي قلوبنا بمعرفتك. اللهم استخرج منا بلطفك ورزقك ما يرضيك يا رب العالمين. سبحانهك اللهم وبحمدك. اشهد ان لا اله الا انت استغفرك واتوب اليك - [00:43:41](#)